

晉記卷四

本紀

蕭山郭不倫撰

簡文本紀

簡文皇帝諱昱字道萬元帝之少子也母曰鄭夫人  
幼而岐嶷及長清虛寡欲尤善元言初封琅邪王咸  
和二年所生鄭夫人卒帝年七歲號慕泣血固請服  
重顯宗哀而許之爲徙會稽拜散騎常侍九年遷右  
將軍加侍中咸康六年進撫軍將軍領祕書監康帝  
時兼領太常永和初崇德皇太后臨朝進位撫軍大  
將軍錄尚書事何充之卒詔專總萬幾八年進司徒

穆帝旣冠，稽首歸政，不許。興寧三年七月，以琅邪無主，復封琅邪，而封王子曜爲會稽王。固讓不受。太和元年，進位丞相，加殊禮。桓溫之廢帝爲東海王也，以太后詔具乘輿法駕，溫率百官迎王於會稽邸。王平巾幘單衣，東向拜受璽綬。十一月己酉卽位，改元咸安。乙卯，桓溫廢武陵王晞，徙於新安。丙辰，溫放新蔡王晃於衡陽。戊午，赦大酺五日，賜孝順忠貞鰥寡孤獨者米人五斛。己未，賜溫軍三萬人，布一匹，米一斛。庚申，加大司馬溫丞相，不受。辛酉，溫還鎮姑孰。十二月壬午，濤水入石頭。戊子，詔

以京師有儲停運一年庚寅降東海王爲海西公

辛卯初薦鄴淥酒於太廟熒惑逆行入太微

壬申咸安二年春正月百濟林邑入貢己酉歲星

犯填星於須女二月詔議增吏俸騶虞見豫章

夏四月徙海西公於吳縣西柴里貶孝皇后爲夫

人六月太白晝見護軍將軍庾希舉兵反桓溫

使東海內史周少孫擊之斬希秋七月乙未立子

曜爲皇太子道子爲琅邪王是日帝崩遺詔以桓溫

輔政

帝少有風儀善容止畱心典籍不以居處爲意凝塵

滿席湛如也。嘗與桓溫及武陵王晞同載遊版橋。溫密令鳴鼓吹角。車馳卒奔。晞遽不知所爲。欲下車而帝夷然如故。溫由此憚之。歷宰三世。沖虛不矜。天下想其丰采。及卽位。溫見帝欲自陳述。帝對之悲泣。溫懼不能言。溫欲誅武陵王。帝不聽。溫固執。至於再三。帝手詔報曰。若晉祚靈長。公便宜奉行前詔。如其大運去矣。請避賢路。溫覽之流汗變色。不敢復請。溫旣仗文武之任。加以廢立。威振內外。帝雖處尊位。恆慮廢黜。先是熒惑守太微端門。而太和廢。帝之立也。熒惑又入太微。心惡之。當是時。溫謀主中書郎郗超入



直帝謂之曰。命之修短。本所不計。故當無復近日事。邪。超曰。大司馬臣溫。方內固社稷。外恢經略。非常之事。臣當以百口保之。及超請急省其父。帝曰。致意尊公。家國之事。遂至於此。由吾不德故也。因詠庾闡詩曰。志士痛朝危。忠臣哀主辱。遂泣下沾襟。帝神識恬暢。然無濟世大略。謝安以爲惠帝之流。但清談差勝耳。然帝能拒溫之殺武陵。而惠帝不能保其母與妻子。則帝固賢乎哉。

孝武本紀

孝武皇帝諱曜。字昌明。簡文第三子也。咸安二年秋。

七月簡文崩太子卽位詔曰朕以不造奄於閔凶號天扣地靡知所訴藐然幼冲眇若綴旒深惟社稷之重大懼不克負荷仰憑積德之祀先帝淳風元化遺詠在民宰輔英賢勲德隆盛顧命之託實賴匡訓羣后率職百寮勤政冀孤弱之躬有寄皇極之基不墜先恩遺惠播於四海思宏餘潤以康黎庶其大赦天下與民更始九月追尊皇妣爲順皇后冬十月大旱饑丁卯葬高平陵辛未安城地震十一月丁丑日中有黑子丙申妖賊盧悚入殿庭伏誅

癸酉寧康元年春二月大司馬溫來朝三月京師  
火大風詔除丹陽竹格等四桁稅夏五月旱

秋七月大司馬溫卒以江州刺史桓沖都督荆

揚豫江州軍事鎮姑孰八月皇太后臨朝攝政

九月秦寇成都癸巳熒惑入太微以王彪之爲

尚書令謝安爲尚書僕射冬十月辛未地震秦

寇梁益陷之以王坦之爲中書令領丹陽尹

星出於尾箕十一月己酉日中有黑子南郡有

女子化爲男

甲戌二年春正月赦書二月以王坦之都督徐兗二

州軍事詔謝安總中書丁巳地震有星孛於女

虛三月丙戌彗星見於氐庚寅日中有黑子

夏四月免揚州郡縣遭水旱甚者租布其次聽除半

年受振貸者卽以賜之蜀人張育自稱蜀王圍成

都秋七月涼州地震山崩秦滅張育九月有

星孛於天市冬十一月天門蛋賊攻郡太守王匪

死之將軍桓豁討平之癸酉太白掩熒惑於營室

日中有黑子十二月甲申太白晝見

乙亥三年春正月赦夏五月徐兗都督藍田侯王

坦之卒以桓沖爲徐州刺史謝安領揚州刺史



秋八月立皇后王氏。赦。九月帝講孝經以徐邈爲中書舍人。冬十月朔日有食之。十二月旱。甲申神武門災。皇太后詔曰頃日蝕告變水旱不適雖克已思救未盡其力其賜百姓窮者米人五斛。癸巳帝祀孔子以顏回配。

丙子太元元年春正月帝冠太后歸政。赦。以謝安爲中書監錄尚書事。甲子帝謁陵。夏五月癸丑地震。赦。秋八月秦擊涼州張天錫降涼將掌據死之。癸酉太白晝見。詔除度田收租之制。冬十一月朔日有食之。秦遣兵擊代代寔君弑其

主什翼犍秦克代分其地爲二部

丁丑二年春正月繼絕世紹功臣二月大風拔木

三月以朱序爲梁州刺史鎮襄陽閏月壬午地

震夏四月己酉雨雹五月丁丑地震京師地

生毛六月暴風揚沙林邑入貢秋七月乙卯

老人星見八月以謝安爲司徒都督揚豫等州軍

事九月壬午太白晝見冬十月以桓沖都督荆

江等州軍事謝元爲兗州刺史監江北諸軍王彪

之卒十二月大雪

戊寅三年春二月作新宮三月暴風折木夏五

月陳畱王曹恢卒。六月大水。秋七月新宮成。  
秦寇盱眙彭城魏興。交趾太守封授。李嚴請之。  
己卯四年春正月赦。大減遭水郡縣租稅。人丙子帝  
謁七陵。二月秦陷襄陽。執刺史朱序以歸。秦陷  
順陽彭城淮陰。三月大疫。遣右將軍毛武生帥  
師伐蜀。夏四月秦陷魏興太守吉挹死之。五月  
秦陷盱眙高密。六月大旱。詔減省用度。謝元  
及秦師戰於君川大破之。秋八月暴風揚沙。冬  
十二月朔日有食之。  
庚辰五年春正月謁崇平陵。夏四月大旱。癸酉

赦五歲刑以下。五月大水。以謝安爲衛將軍。與

桓沖並開府。儀同三司。六月甲寅。雷震含章殿。

詔蠲太元三年以前逋租。賜鰥寡孤獨不能自存者

米人五斛。以琅邪王道子爲司徒。秋九月。皇后

王氏崩。九月。眞太守李遜據交州反。冬十一月。葬

定皇后。

辛巳六年春正月。立佛精舍於內殿。夏六月朔日

有食之。荆揚江州大水。減吏員七百人。秋七

月。赦五歲刑以下。交趾太守杜瑗討李遜。誅之。

大饑。九月丙子。太白晝見。冬十月乙卯。有流星



奔東南其聲如雷十一月秦寇竟陵桓沖擊破之  
獲其將閻振吳仲  
壬午七年春三月林邑入貢秋八月赦九月秦  
寇沔北略襄陽冬十月丙子雷十一月太白晝  
見

癸未八年春二月癸未黃霧四塞三月始興南康  
廬陵大水平地五丈丁巳赦夏四月甲子太白  
晝見五月將軍楊亮伐蜀拔伍城獲其將魏光  
旱桓沖帥師伐秦拔筑陽將軍郭洽及秦將張崇  
戰於武當敗之秋八月秦大舉入寇詔征討都督

謝石冠軍將軍謝元等帥師拒之。九月以琅邪王道子錄尚書六條事。冬十月秦陷壽春。十一月謝石謝元等大破秦兵於肥水，殺其大將苻融。秦王堅走還長安，朱序來歸。詔謝安勞旋師於金城，立陳畱世子靈誕爲王，以謝石爲尚書令，赦。初開酒禁，增民稅米口五石。秦將軍乞伏國仁叛據隴右。丁零翟斌起兵攻洛陽，秦使慕容垂討之。垂叛與斌合，仇池公楊纂奔還隴右。甲申九年春正月，慕容垂稱燕王。帝謁四陵，遣將軍劉牢之伐秦，拔譙城。桓沖將郭寶拔魏興上庸。

新城，二月，荆江都督豐城公桓沖卒。三月，以謝安爲太保。慕容沖慕容泓起兵擊秦。夏四月，增太學生。竟陵太守趙統克襄陽。姚萇起兵北地。自稱秦王。梁州刺史楊亮帥師進屯巴郡。六月，崇德皇太后褚氏崩。燕諸將殺慕容泓。秋七月，丙戌，太白晝見。遣使修謁洛陽五陵。葬康獻皇后。百濟入貢。九月，遣都督謝元率師伐秦，取河南。加太保安都督十五州諸軍事，假黃鉞。冬十月朔，日有食之。赦。秦青州刺史苻朗帥衆來降。加謝元都督七州軍事。十一月丁巳，太白晝見。

乙酉十年春正月帝謁諸陵燕慕容冲稱帝於阿  
房二月立國學蜀郡太守任權拔成都復取益  
州三月滎陽人鄭熒以郡來降夏四月秦人來  
乞師劉牢之進兵至鄴燕王垂北遁牢之追之大敗  
而還太保安出鎮廣陵乙亥太白晝見五月  
大水慕容冲攻長安秦王堅出奔五將山六月  
秦太子宏來奔處之江州秋七月旱饑姚萇圍  
五將以秦王歸八月赦太保十五州都督建昌  
公謝安卒以琅邪王道子都督中外諸軍錄尚書  
事姚萇弑其故主秦王堅苻丕稱帝於晉陽



九月，秦呂光據姑臧，乞伏國仁稱大單于。冬十月，論淮肥功，封拜各有差。

丙戌十一年春正月，拓跋珪復立爲代王。辛未，燕王垂稱帝。乙酉，謁諸陵。二月，西燕弑其主沖，立段隨爲王。三月戊申，太白晝見於東井，赦太山太守張願叛，謝元退屯淮陰。西燕殺段隨，立慕容忠爲帝。夏四月，代改號魏。姚萇入長安，稱帝。六月己卯，地震。甲申，太白晝見於輿鬼。以楊亮爲雍州刺史，鎮衛山陵。西燕弑其主忠，立慕容永爲河東王。關隴諸郡復起兵爲秦。秋八月，封